

Broj: 03-3-4269/20  
Sarajevo, 02.11.2020. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 11-11-2020			
Org. jed.	Broj	Priloga	Vrijednost
05/2	-02-	200	20

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA**

n/p g. Izmir Hadžiavić, sekretar

**Predmet:** Odgovor na delegatsko pitanje

Poštovani,

U skladu sa zahtjevom Parlamenta Federacije Bosne i Hercegovine broj: 05/2-02-200/20 od 06.10.2020. godine, u nastavku dostavljamo odgovor na delegatsko pitanje gospodina Anera Žuljevića postavljeno na sjednici Doma naroda Parlamenta Federacije Bosne i Hercegovine održanoj 01.10.2020. godine, koje glasi:

*„Tražim od Agencije za bankarstvo da mi dostavi da li su radili kontrolu nadzora implementacije svojih odluka o moratoriju, ako jesu konkretno kakav je nalaz?“.*

Agencija za bankarstvo Federacije Bosne i Hercegovine (u daljnjem tekstu: Agencija) je cijeneći vanredne okolnosti na području Bosne i Hercegovine izazvane pojavom virusnog oboljenja „COVID 19“, kao i proglašenje stanja nesreće uzrokovano pojavom koronavirusa na području Federacije BiH od 16.03.2020. godine, prilagodila pristup superviziji poslovanja subjekata bankarskog sistema (u daljnjem tekstu: SBS) i donijela mjere u cilju ublažavanja negativnih efekata pandemije, održavanja privredne aktivnosti i očuvanje radnih mjesta. U martu 2020. godine Agencija je donijela prvi set mjera koji je imao za cilj ublažavanje prvog udara pandemije na klijente, privredu i bankarski sektor.

U prvoj fazi primjene Odluke o privremenim mjerama koje banka primjenjuje za ublažavanje negativnih ekonomskih posljedica uzrokovanih virusnim oboljenjem „COVID-19“ („Službene novine Federacije BiH“, broj: 22/20, 37/20) kojom su definisane posebne mjere, uključujući i moratorij, Agencija je uspostavila evidenciju odobrenih posebnih mjera, te vršila nadzor primjene predmetne Odluke na osnovu detaljnih pregleda izvještajnih obrazaca. Agencija je na osnovu navedenog imala jasan uvid u efikasnost i postupanje SBS u skladu sa predmetnom Odlukom, o čemu je redovno izvještavala javnost.

Agencija je u nastaloj situaciji produženja krize u avgustu 2020. godine usvojila Odluku o privremenim mjerama koje banka primjenjuje za oporavak od negativnih ekonomskih posljedica uzrokovanih virusnim oboljenjem „COVID-19“ („Službene novine FBiH“, br. 60/20) i Odluku o privremenim mjerama koje lizing društva i mikrokreditne organizacije primjenjuju za oporavak od negativnih ekonomskih posljedica uzrokovanih virusnim oboljenjem „COVID-19“ („Službene novine FBiH“, br. 60/20).

Nadzor usklađenosti SBS obuhvata i kontrolu implementacije mjera predviđenih gore navedenim odlukama. U toku su i aktivnosti ciljanih kontrola u SBS, a nastavak ovih (on-site) kontrola u četvrtom kvartalu 2020. godine može biti uslovljen razvojem epidemiološke situacije.